

gustav / February 08, 2013 09:43PM

[金光明最勝王經卷第八](#)

T16n0665_p0437c14(00)|
T16n0665_p0437c15(00)|
T16n0665_p0437c16(00)| 金光明最勝王經卷第八
T16n0665_p0437c17(00)|
T16n0665_p0437c18(00)| 大唐三藏沙門義淨奉 制譯
T16n0665_p0437c19(00)| 大辯才天女品第十五之二
T16n0665_p0437c20(00)| 爾時，憍陳如婆羅門說上讚歎及咒讚法，
T16n0665_p0437c21(00)| 讚辯才天女已，告諸大眾：「仁等！
T16n0665_p0437c22(04)| 若欲請辯才天女哀愍加護，於現世中得無礙辯，
T16n0665_p0437c23(01)| 聰明大智，巧妙言詞，博綜奇才，論議文飾，
T16n0665_p0437c24(01)| 隨意成就無疑滯者，
T16n0665_p0437c25(09)| 應當如是至誠殷重而請召言：
T16n0665_p0437c26(00)| 「南謨佛陀也！南謨達摩也！南謨僧伽也！
T16n0665_p0437c27(01)| 南謨諸菩薩眾、獨覺、聲聞一切賢聖！
T16n0665_p0437c28(04)| 過去現在十方諸佛，悉皆已習真實之語，
T16n0665_p0437c29(04)| 能隨順說當機實語，無虛誑語，
T16n0665_p0438a01(08)| 已於無量俱胝大劫常說實語，有實語者悉皆隨喜；
T16n0665_p0438a02(04)| 以不妄語故，出廣長舌能覆於面，
T16n0665_p0438a03(07)| 覆瞻部洲及四天下，能覆一千、二千、三千世界，
T16n0665_p0438a04(05)| 普覆十方世界，圓滿周遍，不可思議，
T16n0665_p0438a05(07)| 能除一切煩惱炎熱。敬禮敬禮一切諸佛如是舌相，
T16n0665_p0438a06(03)| 願我某甲皆得成就微妙辯才，至心歸命。
T16n0665_p0438a07(00)| 「敬禮諸佛妙辯才，諸大菩薩妙辯才，
T16n0665_p0438a08(00)| 獨覺聖者妙辯才，四向四果妙辯才，
T16n0665_p0438a09(00)| 四聖諦語妙辯才，正行正見妙辯才，
T16n0665_p0438a10(00)| 梵眾諸仙妙辯才，大天烏摩妙辯才，
T16n0665_p0438a11(00)| 塞建陀天妙辯才，摩那斯王妙辯才，
T16n0665_p0438a12(00)| 聰明夜天妙辯才，四大天王妙辯才，
T16n0665_p0438a13(00)| 善住天子妙辯才，金剛密主妙辯才，
T16n0665_p0438a14(00)| 吠率怒天妙辯才，毘摩天女妙辯才，
T16n0665_p0438a15(00)| 侍數天神妙辯才，室唎天女妙辯才，
T16n0665_p0438a16(00)| 室唎末多妙辯才，醯哩言詞妙辯才，
T16n0665_p0438a17(00)| 諸母大母妙辯才，訶哩底母妙辯才，
T16n0665_p0438a18(00)| 諸藥叉神妙辯才，十方諸王妙辯才，
T16n0665_p0438a19(00)| 所有勝業資助我，令得無窮妙辯才。
T16n0665_p0438a20(00)| 敬禮無欺誑，敬禮解脫者，
T16n0665_p0438a21(00)| 敬禮離欲人，敬禮捨纏蓋，
T16n0665_p0438a22(00)| 敬禮心清淨，敬禮光明者，
T16n0665_p0438a23(00)| 敬禮真實語，敬禮無塵習，
T16n0665_p0438a24(00)| 敬禮住勝義，敬禮大眾主，
T16n0665_p0438a25(00)| 敬禮辯才天，令我詞無礙。
T16n0665_p0438a26(00)| 願我所求事，皆悉速成就；
T16n0665_p0438a27(00)| 無病常安隱，壽命得延長。
T16n0665_p0438a28(00)| 善解諸明咒，勤修菩提道；
T16n0665_p0438a29(00)| 廣饒益群生，求心願早遂。
T16n0665_p0438b01(00)| 我說真實語，我說無誑語；
T16n0665_p0438b02(00)| 天女妙辯才，令我得成就。
T16n0665_p0438b03(00)| 惟願天女來，令我語無滯；
T16n0665_p0438b04(00)| 速入身口內，聰明足辯才。
T16n0665_p0438b05(00)| 願令我舌根，當得如來辯；
T16n0665_p0438b06(00)| 由彼語威力，調伏諸眾生。
T16n0665_p0438b07(00)| 我所出語時，隨事皆成就；
T16n0665_p0438b08(00)| 聞者生恭敬，所作不唐捐。

T16n0665_p0438b09(00) 若我求辯才，事不成就者；
T16n0665_p0438b10(00) 天女之實語，皆悉成虛妄。
T16n0665_p0438b11(00) 有作無間罪，佛語令調伏；
T16n0665_p0438b12(00) 及以阿羅漢，所有報恩語。
T16n0665_p0438b13(00) 舍利子目連，世尊眾第一；
T16n0665_p0438b14(00) 斯等真實語，願我皆成就。
T16n0665_p0438b15(00) 我今皆召請，佛之聲聞眾，
T16n0665_p0438b16(00) 皆願速來至，成就我求心，
T16n0665_p0438b17(00) 所求真實語，皆願無虛誑。
T16n0665_p0438b18(00) 上從色究竟，及以淨居天，
T16n0665_p0438b19(00) 大梵及梵輔，一切梵王眾，
T16n0665_p0438b20(00) 乃至遍三千，索訶世界主，
T16n0665_p0438b21(00) 并及諸眷屬，我今皆請召；
T16n0665_p0438b22(00) 惟願降慈悲，哀憐同攝受。
T16n0665_p0438b23(00) 他化自在天，及以樂變化；
T16n0665_p0438b24(00) 睹史多天眾，慈氏當成佛。
T16n0665_p0438b25(00) 夜摩諸天眾，及三十三天；
T16n0665_p0438b26(00) 四大王眾天，一切諸天眾。
T16n0665_p0438b27(00) 地水火風神，依妙高山住；
T16n0665_p0438b28(00) 七海山神眾，所有諸眷屬。
T16n0665_p0438b29(00) 滿財及五頂，日月諸星辰；
T16n0665_p0438c01(00) 如是諸天眾，令世間安隱。
T16n0665_p0438c02(00) 斯等諸天神，不樂作罪業；
T16n0665_p0438c03(00) 敬禮鬼子母，及最小愛兒。
T16n0665_p0438c04(00) 天龍藥叉眾，乾闥阿蘇羅，
T16n0665_p0438c05(00) 及以緊那羅，莫呼洛伽等。
T16n0665_p0438c06(00) 我以世尊力，悉皆申請召；
T16n0665_p0438c07(00) 願降慈悲心，與我無礙辯。
T16n0665_p0438c08(00) 一切人天眾，能了他心者；
T16n0665_p0438c09(00) 皆願加神力，與我妙辯才。
T16n0665_p0438c10(00) 乃至盡虛空，周遍於法界；
T16n0665_p0438c11(00) 所有含生類，與我妙辯才。」
T16n0665_p0438c12(00) 爾時，辯才天女聞是請已，告婆羅門言：
T16n0665_p0438c13(02) 「善哉！大士！
T16n0665_p0438c14(13) 若有男子女人能依如是咒及咒讚，如前所說受持法式，歸敬三寶，
T16n0665_p0438c15(03) 虔心正念，於所求事，皆不唐捐，兼復受持讀誦此
T16n0665_p0438c16(00) 《金光明》微妙經典，所願求者，無不果遂，
T16n0665_p0438c17(01) 速得成就，除不至心。」時婆羅門，深心歡喜，
T16n0665_p0438c18(01) 合掌頂受。
T16n0665_p0438c19(00) 爾時，佛告辯才天女：「善哉！善哉！善女天！
T16n0665_p0438c20(02) 汝能流布是妙經王，擁護所有受持經者，
T16n0665_p0438c21(02) 及能利益一切眾生，令得安樂，說如是法，
T16n0665_p0438c22(01) 施與辯才不可思議，得福無量，
T16n0665_p0438c23(05) 諸發心者速趣菩提。」
T16n0665_p0438c24(00) 金光明最勝王經
T16n0665_p0438c25(08) 大吉祥天女品第十六
T16n0665_p0438c26(00) 爾時，大吉祥天女即從座起，前禮佛足，
T16n0665_p0438c27(01) 合掌恭敬，白佛言：「世尊！我若見有苾芻、
T16n0665_p0438c28(02) 苾芻尼、鄢波索迦、鄢波斯迦，受持讀誦，
T16n0665_p0438c29(04) 為人解說是《金光明最勝王經》者，
T16n0665_p0439a01(07) 我當專心恭敬供養此等法師，所謂飲食、衣服、臥具、醫藥，
T16n0665_p0439a02(02) 及餘一切所須資具，皆令圓滿無有乏少。
T16n0665_p0439a03(02) 若晝若夜於此經王所有句義，觀察思量，
T16n0665_p0439a04(02) 安樂而住，令此經典於瞻部洲廣行流布，
T16n0665_p0439a05(02) 為彼有情已於無量百千佛所種善根者，

T16n0665_p0439a06(02) 常使得聞，不速隱沒。復於無量百千億劫，
T16n0665_p0439a07(02) 當受人天種種勝樂，常得豐稔，永除飢饉，
T16n0665_p0439a08(01) 一切有情恒受安樂，亦得值遇諸佛世尊，
T16n0665_p0439a09(01) 於未來世速證無上大菩提果，
T16n0665_p0439a10(06) 永絕三塗輪迴苦難。世尊！
T16n0665_p0439a11(12) 我念過去有琉璃金山寶花光照吉祥功德海如來。應。正等覺，十號具足，
T16n0665_p0439a12(01) 我於彼所種諸善根，
T16n0665_p0439a13(09) 由彼如來慈悲愍念威神力故，令我今日隨所念處、隨所視方、
T16n0665_p0439a14(00) 隨所至國，
T16n0665_p0439a15(12) 能令無量百千萬億眾生受諸快樂，乃至所須衣服飲食資生之具，金銀、
T16n0665_p0439a16(01) 琉璃、車璫、瑪瑙、珊瑚、虎珀、
T16n0665_p0439a17(07) 真珠等寶悉令充足；若復有人至心讀誦是
T16n0665_p0439a18(07) 《金光明最勝王經》，亦當日日燒眾名香及諸妙花，
T16n0665_p0439a19(03) 為我供養彼琉璃金山寶花光照吉祥功德海如來。應。
T16n0665_p0439a20(00) 正等覺，復當每日於三時中稱念我名，
T16n0665_p0439a21(01) 別以香花及諸美食供養於我，
T16n0665_p0439a22(05) 亦常聽受此妙經王，得如是福。」而說頌曰：
T16n0665_p0439a23(00) 「由能如是持經故，自身眷屬離諸衰；
T16n0665_p0439a24(00) 所須衣食無乏時，威光壽命難窮盡。
T16n0665_p0439a25(00) 能令地味常增長，諸天降雨隨時節；
T16n0665_p0439a26(00) 令諸天眾咸歡悅，及以園林穀果神。
T16n0665_p0439a27(00) 叢林果樹並滋榮，所有苗稼咸成就；
T16n0665_p0439a28(00) 欲求珍財皆滿願，隨所念者遂其心。」
T16n0665_p0439a29(00) 佛告大吉祥天女：「善哉！善哉！
T16n0665_p0439b01(05) 汝能如是憶念昔因，報恩供養，利益安樂無邊眾生，
T16n0665_p0439b02(01) 流布是經，功德無盡。」
T16n0665_p0439b03(00) 金光明最勝王經
T16n0665_p0439b04(08) 大吉祥天女增長財物品第十七
T16n0665_p0439b05(00) 爾時，大吉祥天女復白佛言：「世尊！
T16n0665_p0439b06(04) 北方薛室羅末拏天王城名有財，去城不遠，
T16n0665_p0439b07(03) 有園名曰妙華福光，中有勝殿，七寶所成。世尊！
T16n0665_p0439b08(00) 我常住彼。若復有人欲求五穀日日增多、
T16n0665_p0439b09(00) 倉庫盈溢者，應當發起敬信之心，
T16n0665_p0439b10(03) 淨治一室，瞿摩塗地，應畫我像，
T16n0665_p0439b11(07) 種種瓔珞周匝莊嚴；當洗浴身，著淨衣服，塗以名香，
T16n0665_p0439b12(02) 入淨室內，
T16n0665_p0439b13(15) 發心為我每日三時稱彼佛名及此經名號而申禮敬：
T16n0665_p0439b14(11) 『南謨琉璃金山寶花光照吉祥功德海如來！』
T16n0665_p0439b15(10) 持諸香花及以種種甘美飲食，至心奉獻，
T16n0665_p0439b16(10) 亦以香花及諸飲食供養我像；復持飲食，散擲餘方，施諸神等，
T16n0665_p0439b17(02) 實言邀請大吉祥天，發所求願：
T16n0665_p0439b18(07) 『若如所言是不虛者，於我所請，勿令空爾。』
T16n0665_p0439b19(05) 于時吉祥天女，知是事已，便生愍念，
T16n0665_p0439b20(07) 令其宅中財穀增長。即當誦咒請召於我，
T16n0665_p0439b21(07) 先稱佛名及菩薩名字，一心敬禮：
T16n0665_p0439b22(00) 「南謨一切十方三世諸佛 南謨寶髻佛
T16n0665_p0439b23(00) 南謨無垢光明寶幢佛 南謨金幢光佛
T16n0665_p0439b24(01) 南謨百金光藏佛 南謨金蓋寶積佛
T16n0665_p0439b25(02) 南謨金花光幢佛 南謨大燈光佛
T16n0665_p0439b26(04) 南謨大寶幢佛 南謨東方不動佛 南謨南方寶幢佛
T16n0665_p0439b27(00) 南謨西方無量壽佛
T16n0665_p0439b28(08) 南謨北方天鼓音王佛 南謨妙幢菩薩 南謨金光菩薩
T16n0665_p0439b29(01) 南謨金藏菩薩 南謨常啼菩薩
T16n0665_p0439c01(04) 南謨法上菩薩 南謨善安菩薩
T16n0665_p0439c02(00) 「敬禮如是佛菩薩已，

T16n0665_p0439c03(08) 次當誦咒請召我大吉祥天女。由此咒力，所求之事皆得成就。」
T16n0665_p0439c04(00) 即說咒曰：
T16n0665_p0439c05(00) 「南謨室唎莫訶天女 怛姪他 鉢唎脯[口*律]
T16n0665_p0439c06(00) 拏折[口*麗] 三曼[多*頁] 達唎設泥(去聲，下皆同爾)莫訶
T16n0665_p0439c07(00) 毘訶囉揭諦 三曼哆毘曇末泥 莫訶迦
T16n0665_p0439c08(00) 哩也 鉢唎底瑟侏鉢泥 薩婆頌 他
T16n0665_p0439c09(00) 娑彈泥 蘇鉢唎底喃[口*麗] [序-予+阿]耶娜達摩多
T16n0665_p0439c10(00) 莫訶毘俱比諦 莫訶迷咄嚕 鄔波僧咽
T16n0665_p0439c11(00) 羝 莫訶頡唎使 蘇僧近(入聲)哩呬羝 三
T16n0665_p0439c12(00) 曼多頡他 阿奴波唎泥 莎訶
T16n0665_p0439c13(00) 「世尊！若人誦持如是神咒請召我時，
T16n0665_p0439c14(02) 我聞請已，即至其所，令願得遂。世尊！
T16n0665_p0439c15(04) 是灌頂法句，定成就句，真實之句，無虛誑句，
T16n0665_p0439c16(03) 是平等行，於諸眾生是正善根。
T16n0665_p0439c17(07) 若有受持讀誦咒者，應七日七夜受八支戒，
T16n0665_p0439c18(06) 於晨朝時先嚼齒木淨澡漱已，
T16n0665_p0439c19(10) 及於晡後香花供養一切諸佛，自陳其罪。
T16n0665_p0439c20(09) 當為己身及諸含識迴向發願，令所悌求速得成就。淨治一室，
T16n0665_p0439c21(00) 或在空閑阿蘭若處，瞿摩為壇，燒栴檀香，
T16n0665_p0439c22(00) 而為供養。置一勝座，幡蓋莊嚴，
T16n0665_p0440a01(04) 以諸名花布列壇內，應當至心誦持前咒，
T16n0665_p0440a02(03) 悌望我至。我於爾時即便護念觀察是人，
T16n0665_p0440a03(03) 來入其室，就座而坐，受其供養。從是以後，
T16n0665_p0440a04(02) 當令彼人於睡夢中得見於我，
T16n0665_p0440a05(06) 隨所求事以實告知。若聚落空澤及僧住處，隨所求者，
T16n0665_p0440a06(01) 皆令圓滿，金銀財寶、牛羊穀麥、飲食衣服，
T16n0665_p0440a07(02) 皆得隨心受諸快樂。既得如是勝妙果報，
T16n0665_p0440a08(02) 當以上分供養三寶，及施於我，廣修法會，
T16n0665_p0440a09(02) 設諸飲食，布列香花。既供養已，
T16n0665_p0440a10(06) 所有供養貨之取直，復為供養。我當終身常住於此，
T16n0665_p0440a11(01) 擁護是人，令無闕乏，隨所悌求，悉皆稱意。
T16n0665_p0440a12(00) 亦當時時給濟貧乏，不應慳惜，獨為己身。
T16n0665_p0440a13(00) 常讀是經，供養不絕，
T16n0665_p0440a14(07) 當以此福普施一切，迴向菩提，願出生死，速得解脫。」
T16n0665_p0440a15(00) 爾時，世尊讚言：「善哉！吉祥天女！
T16n0665_p0440a16(05) 汝能如是流布此經，不可思議，自他俱益。」
T16n0665_p0440a17(00) 金光明最勝王經堅牢地神品第十八
T16n0665_p0440a18(00) 爾時，堅牢地神即於眾中，從座而起，
T16n0665_p0440a19(02) 合掌恭敬而白佛言：「世尊！是《金光明最勝王經》，
T16n0665_p0440a20(00) 若現在世，若未來世，若在城邑聚落、
T16n0665_p0440a21(03) 王宮樓觀，及阿蘭若、山澤空林，有此經王流布之處，
T16n0665_p0440a22(00) 世尊！我當往詣其所，供養恭敬擁護流通。
T16n0665_p0440a23(00) 若有方處為說法師敷置高座演說經者，我以神力不現本身，在於座所，
T16n0665_p0440a24(15) 頂戴其足；我得聞法，深心歡喜，得餐法味，
T16n0665_p0440a25(02) 增益威光，慶悅無量。自身既得如是利益，
T16n0665_p0440a26(01) 亦令大地深十六萬八千踰繕那，至金剛輪際，
T16n0665_p0440a27(01) 令其地味悉皆增益，乃至四海所有土地，
T16n0665_p0440a28(00) 亦使肥濃田疇沃壤倍勝常日。
T16n0665_p0440b01(06) 亦復令此瞻部洲中江河池沼，所有諸樹藥草叢林，
T16n0665_p0440b02(03) 種種花果根莖枝葉及諸苗稼，形相可愛，
T16n0665_p0440b03(02) 眾所樂觀，色香具足，皆堪受用。
T16n0665_p0440b04(06) 若諸有情受用如是勝飲食已，長命色力，諸根安隱，
T16n0665_p0440b05(02) 增益光輝，無諸痛惱，心慧勇健，無不堪能。
T16n0665_p0440b06(01) 又此大地凡有所須，百千事業悉皆周備。

T16n0665_p0440b07(01) 世尊！以是因緣，諸瞻部洲安隱豐樂，
T16n0665_p0440b08(03) 人民熾盛，無諸衰惱，所有眾生皆受安樂。
T16n0665_p0440b09(03) 既受如是身心快樂，於此經王深加愛敬，
T16n0665_p0440b10(03) 所在之處皆願受持供養，恭敬尊重讚歎。
T16n0665_p0440b11(04) 又復於彼說法大師法座之處，悉皆往彼，
T16n0665_p0440b12(04) 為諸眾生勸請說是最勝經王。何以故？世尊！
T16n0665_p0440b13(03) 由說此經，我之自身并諸眷屬咸蒙利益，
T16n0665_p0440b14(03) 光輝氣力，勇猛威勢，顏容端正，倍勝於常。世尊！
T16n0665_p0440b15(01) 我堅牢地神蒙法味已，
T16n0665_p0440b16(09) 令瞻部洲縱廣七千踰繕那地，皆悉沃壤乃至如前，
T16n0665_p0440b17(04) 所有眾生皆受安樂。是故，世尊！時彼眾生為報我恩，
T16n0665_p0440b18(00) 應作是念：『我當必定聽受是經，恭敬供養，
T16n0665_p0440b19(00) 尊重讚歎。』作是念已，即從住處城邑聚落、
T16n0665_p0440b20(00) 舍宅空地，詣法會所，頂禮法師，
T16n0665_p0440b21(03) 聽受是經。既聽受已，各還本處，心生慶喜，
T16n0665_p0440b22(03) 共作是言：『我等今者得聞甚深無上妙法，
T16n0665_p0440b23(03) 即是攝受不可思議功德之聚，由經力故，
T16n0665_p0440b24(03) 我等當值無量無邊百千俱胝那庾多佛，承事供養，
T16n0665_p0440b25(00) 永離三塗極苦之處，復於來世百千生中，
T16n0665_p0440b26(01) 常生天上，及在人間受諸勝樂。』
T16n0665_p0440b27(05) 時彼諸人各還本處，為諸人眾說是經王，若一喻、一品、
T16n0665_p0440b28(00) 一昔因緣、一如來名、一菩薩名、一四句頌、
T16n0665_p0440b29(01) 或復一句，為諸眾生說是經典，乃至首題名字。
T16n0665_p0440c01(00) 世尊！隨諸眾生所住之處，
T16n0665_p0440c02(07) 其地悉皆沃壤肥濃，過於餘處。凡是土地所生之物，
T16n0665_p0440c03(04) 悉得增長滋茂廣大，令諸眾生受於快樂，多饒珍財，
T16n0665_p0440c04(00) 好行惠施，心常堅固，深信三寶。」作是語已，
T16n0665_p0440c05(00) 爾時，世尊告堅牢地神曰：「若有眾生，聞是
T16n0665_p0440c06(00) 《金光明》最勝經王乃至一句，命終之後，
T16n0665_p0440c07(02) 當得往生三十三天及餘天處。
T16n0665_p0440c08(06) 若有眾生為欲供養是經王故，莊嚴宅宇，乃至張一傘蓋、
T16n0665_p0440c09(00) 懸一繒幡，由是因緣，六天之上，如念受生，
T16n0665_p0440c10(00) 七寶妙宮，隨意受用，
T16n0665_p0440c11(08) 各各自然有七千天女，共相娛樂，日夜常受不可思議殊勝之樂。」
T16n0665_p0440c12(00) 作是語已，爾時，堅牢地神白佛言：「世尊！
T16n0665_p0440c13(01) 以是因緣，若有四眾，昇於法座，說是法時，
T16n0665_p0440c14(01) 我當晝夜擁護是人，自隱其身在於座所，
T16n0665_p0440c15(01) 頂戴其足。世尊！
T16n0665_p0440c16(11) 如是經典為彼眾生已於百千佛所種善根者，於瞻部洲流布不滅。
T16n0665_p0440c17(01) 是諸眾生聽斯經者，
T16n0665_p0440c18(10) 於未來世無量百千俱胝那庾多劫，天上人中常受勝樂，得遇諸佛，
T16n0665_p0440c19(00) 速成阿耨多羅三藐三菩提，
T16n0665_p0440c20(06) 不歷三塗生死之苦。」
T16n0665_p0440c21(00) 爾時，堅牢地神白佛言：「世尊！我有心咒，
T16n0665_p0440c22(01) 能利人天，安樂一切，
T16n0665_p0440c23(09) 若有男子女人及諸四眾，欲得親見我真身者，
T16n0665_p0440c24(07) 應當至心持此陀羅尼，隨其所願，皆悉遂心，
T16n0665_p0440c25(06) 所謂資財珍寶伏藏，及求神通，長年妙藥并療眾病，
T16n0665_p0440c26(02) 降伏怨敵，制諸異論。當於淨室安置道場，
T16n0665_p0440c27(01) 洗浴身已，著鮮潔衣，踞草座上，
T16n0665_p0440c28(05) 於有舍利尊像之前，或有舍利制底之所，燒香散花，
T16n0665_p0440c29(01) 飲食供養。於白月八日布灑星合，
T16n0665_p0441a01(04) 即可誦此請召之咒：
T16n0665_p0441a02(00) 「怛姪他只哩只哩 主嚕主嚕 句嚕句嚕
T16n0665_p0441a03(00) 拘柱拘柱 睹柱睹柱 縛訶(上) 縛訶

T16n0665_p0441a04(00) 伐捨伐捨 莎訶
T16n0665_p0441a05(00) 「世尊！此之神咒，若有四眾，
T16n0665_p0441a06(06) 誦一百八遍請召於我，我為是人即來赴請。又復，世尊！
T16n0665_p0441a07(01) 若有眾生欲得見我現身共語者，
T16n0665_p0441a08(03) 亦應如前安置法式，誦此神咒：
T16n0665_p0441a09(00) 「怛姪他 頽折泥(去)頽力刹泥室尼達哩訶
T16n0665_p0441a10(00) 訶咽咽區嚕 伐[口*麗] 莎訶
T16n0665_p0441a11(00) 「世尊！若人持此咒時，應誦一百八遍，
T16n0665_p0441a12(02) 并誦前咒，我必現身，隨其所願，悉得成就，
T16n0665_p0441a13(02) 終不虛然。若欲誦此咒時，先誦護身咒曰：
T16n0665_p0441a14(00) 「怛姪他你室里末捨羯[打-丁+致]捺[打-丁+致]矩[打-丁+致]勃
T16n0665_p0441a15(00) 地(上)勃地[口*麗]婢[打-丁+致]婢[打-丁+致]矩句[打-丁+致]佉婆
T16n0665_p0441a16(00) (上)只里 莎訶
T16n0665_p0441a17(00) 「世尊！誦此咒時，取五色線，誦咒二十一遍，
T16n0665_p0441a18(00) 作二十一結，繫在左臂肘後，即便護身，
T16n0665_p0441a19(01) 無有所懼。若有至心誦此咒者，所求必遂，
T16n0665_p0441a20(01) 我不妄語，
T16n0665_p0441a21(13) 我以佛法僧寶而為要契證知是實。」
T16n0665_p0441a22(00) 爾時，世尊告地神曰：「善哉！善哉！
T16n0665_p0441a23(04) 汝能以是實語神咒，護此經王及說法者，
T16n0665_p0441a24(04) 以是因緣令汝獲得無量福報。」
T16n0665_p0441a25(00) 金光明最勝王經
T16n0665_p0441a26(08) 僧慎爾耶藥叉大將品第十九
T16n0665_p0441a27(00) 爾時，僧慎爾耶藥叉大將，
T16n0665_p0441a28(07) 并與二十八部藥叉諸神，於大眾中皆從座起，偏袒右肩，
T16n0665_p0441a29(01) 右膝著地，合掌向佛白言：「世尊！此《金光明》
T16n0665_p0441b01(01) 最勝經王，若現在世及未來世，
T16n0665_p0441b02(06) 所在宣揚流布之處，若於城邑聚落、山澤空林，
T16n0665_p0441b03(05) 或王宮殿或僧住處，世尊！我僧慎爾耶藥叉大將，
T16n0665_p0441b04(02) 并與二十八部藥叉諸神俱詣其所，各自隱形，
T16n0665_p0441b05(01) 隨處擁護彼說法師，令離哀惱，常受安樂。
T16n0665_p0441b06(00) 及聽法者，若男若女，童男童女，
T16n0665_p0441b07(05) 於此經中乃至受持一四句頌，或持一句，
T16n0665_p0441b08(05) 或此經王首題名號，及此經中一如來名，一菩薩名，
T16n0665_p0441b09(02) 發心稱念，恭敬供養者，我當救護攝受，
T16n0665_p0441b10(03) 令無災橫，離苦得樂。世尊！
T16n0665_p0441b11(09) 何故我名正了知？此之因緣，是佛親證，我知諸法，我曉一切法，
T16n0665_p0441b12(00) 隨所有一切法，如所有一切法，
T16n0665_p0441b13(04) 諸法種類體性差別，世尊！如是諸法，我能了知。
T16n0665_p0441b14(02) 我有難思智光，我有難思智炬，我有難思智行，
T16n0665_p0441b15(00) 我有難思智聚，我於難思智境而能通達。
T16n0665_p0441b16(00) 世尊！如我於一切法，正知正曉正覺，
T16n0665_p0441b17(02) 能正觀察。世尊！以是因緣，
T16n0665_p0441b18(08) 我藥叉大將名正了知。以是義故，我能令彼說法之師，
T16n0665_p0441b19(03) 言詞辯了，具足莊嚴，亦令精氣從毛孔入，
T16n0665_p0441b20(03) 身力充足，威神勇健，難思智光皆得成就，
T16n0665_p0441b21(03) 得正憶念，無有退屈，增益彼身，令無衰減，
T16n0665_p0441b22(02) 諸根安樂，常生歡喜。以是因緣，為彼有情，
T16n0665_p0441b23(02) 已於百千佛所植諸善根修福業者，
T16n0665_p0441b24(03) 於瞻部洲廣宣流布，不速隱沒。
T16n0665_p0441b25(07) 彼諸有情聞是經已，得不可思議大智光明，
T16n0665_p0441b26(07) 及以無量福智之聚，於未來世，
T16n0665_p0441b27(11) 當受無量俱胝那庾多劫不可思量人天勝樂，常與諸佛共相值遇，
T16n0665_p0441b28(01) 速證無上正等菩提，閻羅之界三塗極苦，
T16n0665_p0441b29(02) 不復經過。」

T16n0665_p0441c01(00) 爾時，正了知藥叉大將白佛言：「世尊！
T16n0665_p0441c02(03) 我有陀羅尼，今對佛前親自陳說，
T16n0665_p0441c03(06) 為欲饒益憐愍諸有情故。」即說咒曰：
T16n0665_p0441c04(00) 「南謨佛陀(引)也 南謨達摩(引)也 南謨僧
T16n0665_p0441c05(00) 伽(引)也 南謨跋囉蚩(火含反)摩也 南謨因
T16n0665_p0441c06(00) 達囉也 南謨折咄喃 莫喝囉闍喃
T16n0665_p0441c07(00) 怛姪他 呬哩呬哩 弭哩弭哩 瞿哩
T16n0665_p0441c08(00) 莫訶瞿哩 健陀哩 莫訶健陀哩 達
T16n0665_p0441c09(00) 羅弭雉 莫訶達羅弭雉 單荼曲勸(驅問反)
T16n0665_p0441c10(00) 第(去)訶訶訶訶 呬呬呬呬 呼呼呼
T16n0665_p0441c11(00) 呼呼 漢魯曇謎瞿曇謎 者者者者 只只
T16n0665_p0441c12(00) 只只主主主主 柁茶攝(之涉反)鉢[打-丁+羅]
T16n0665_p0441c13(00) 尸揭囉(上)尸揭囉 嚧底瑟[口*宅]呬 薄伽梵
T16n0665_p0441c14(00) 僧慎爾耶 莎訶
T16n0665_p0441c15(00) 「若復有人於此明咒能受持者，
T16n0665_p0441c16(04) 我當給與資生樂具、飲食衣服、花果珍異，或求男女、
T16n0665_p0441c17(01) 童男童女、金銀珍寶諸瓔珞具，我皆供給，
T16n0665_p0441c18(02) 隨所願求，令無闕乏。此之明咒有大威力，
T16n0665_p0441c19(02) 若誦咒時，我當速至其所，令無障礙，
T16n0665_p0441c20(03) 隨意成就。若持此咒時，應知其法，
T16n0665_p0441c21(06) 先畫一鋪僧慎爾耶藥叉形像，高四五尺，手執鉞[金*鼠]，
T16n0665_p0442a01(03) 於此像前作四方壇，安四滿瓶蜜水，或沙糖水，
T16n0665_p0442a02(01) 塗香林香燒香及諸花鬘。
T16n0665_p0442a03(07) 又於壇前作地火爐，中安炭火，以蘇摩芥子燒於爐中，
T16n0665_p0442a04(01) 口誦前咒一百八遍，一遍一燒。
T16n0665_p0442a05(05) 乃至我藥叉大將自來現身，問咒人曰：
T16n0665_p0442a06(08) 「爾何所須？意所求者？」即以事答，
T16n0665_p0442a07(10) 我即隨言於所求事皆令滿足。或須金銀及諸伏藏，
T16n0665_p0442a08(07) 或欲神仙乘空而去，或求天眼通，或知他心事，
T16n0665_p0442a09(05) 於一切有情隨意自在，令斷煩惱，速得解脫，
T16n0665_p0442a10(03) 皆得成就。」
T16n0665_p0442a11(00) 爾時，世尊告正了知藥叉大將曰：「善哉！
T16n0665_p0442a12(01) 善哉！汝能如是利益一切眾生，說此神咒，
T16n0665_p0442a13(01) 擁護正法，福利無邊。」
T16n0665_p0442a14(00) 金光明最勝王經王法正論品第二十
T16n0665_p0442a15(00) 爾時，此大地神女，名曰堅牢，於大眾中，
T16n0665_p0442a16(01) 從座而起，頂禮佛足，合掌恭敬白佛言：「世尊！
T16n0665_p0442a17(00) 於諸國中為人王者，若無正法，
T16n0665_p0442a18(03) 不能治國安養眾生，及以自身長居勝位；
T16n0665_p0442a19(03) 惟願世尊慈悲哀愍，
T16n0665_p0442a20(11) 當為我說王法正論治國之要，令諸人王得聞法已，如說修行，
T16n0665_p0442a21(03) 正化於世，能令勝位永保安寧，
T16n0665_p0442a22(07) 國內人民咸蒙利益。」
T16n0665_p0442a23(00) 爾時，世尊於大眾中，告堅牢地神曰：
T16n0665_p0442a24(03) 「汝當諦聽！過去有王，名力尊幢，其王有子，
T16n0665_p0442a25(01) 名曰妙幢，受灌頂位未久之頃，
T16n0665_p0442a26(04) 爾時父王告妙幢言：『有王法正論，名天主教法，
T16n0665_p0442a27(01) 我於昔時受灌頂位而為國主，我之父王，
T16n0665_p0442a28(01) 名智力尊幢，為我說是王法正論。我依此論，
T16n0665_p0442a29(00) 於二萬歲善治國土，
T16n0665_p0442b01(08) 我不曾憶起一念心行於非法，汝於今日亦應如是，
T16n0665_p0442b02(03) 勿以非法而治於國。
T16n0665_p0442b03(12) 云何名為王法正論？汝今善聽，當為汝說。』爾時力尊幢王，
T16n0665_p0442b04(05) 即為其子以妙伽他說正論曰：
T16n0665_p0442b05(00) 「『我說王法論，利安諸有情；

T16n0665_p0442b06(00) 為斷世間疑，滅除眾過失。
T16n0665_p0442b07(00) 一切諸天主，及以人中王；
T16n0665_p0442b08(00) 當生歡喜心，合掌聽我說。
T16n0665_p0442b09(00) 往昔諸天眾，集在金剛山；
T16n0665_p0442b10(00) 四王從座起，請問於大梵：
T16n0665_p0442b11(00) 「梵主最勝尊，天中大自在；
T16n0665_p0442b12(00) 願哀愍我等，為斷諸疑惑。
T16n0665_p0442b13(00) 云何處人世，而得名為天？
T16n0665_p0442b14(00) 復以何因緣，號名曰天子？
T16n0665_p0442b15(00) 云何生人間，獨得為人主？
T16n0665_p0442b16(00) 云何在天上，復得作天王？」
T16n0665_p0442b17(00) 如是護世間，問彼梵王已。
T16n0665_p0442b18(00) 爾時梵天主，即便為彼說：
T16n0665_p0442b19(00) 「護世汝當知，為利有情故；
T16n0665_p0442b20(00) 問我治國法，我說應善聽。
T16n0665_p0442b21(00) 由先善業力，生天得作王；
T16n0665_p0442b22(00) 若在於人中，統領為人主。
T16n0665_p0442b23(00) 諸天共加護，然後入母胎；
T16n0665_p0442b24(00) 既至母胎中，諸天復守護。
T16n0665_p0442b25(00) 雖生在人世，尊勝故名天；
T16n0665_p0442b26(00) 由諸天護持，亦得名天子。
T16n0665_p0442b27(00) 三十三天主，分力助人王；
T16n0665_p0442b28(00) 及一切諸天，亦資自在力。
T16n0665_p0442b29(00) 除滅諸非法，惡業令不生；
T16n0665_p0442c01(00) 教有情修善，使得生天上。
T16n0665_p0442c02(00) 人及蘇羅眾，并毘闍婆等；
T16n0665_p0442c03(00) 羅剎栴荼羅，悉皆資半力。
T16n0665_p0442c04(00) 父母資半力，令捨惡修善；
T16n0665_p0442c05(00) 諸天共護持，示其諸善報。
T16n0665_p0442c06(00) 若造諸惡業，令於現世中；
T16n0665_p0442c07(00) 諸天不護持，示其諸惡報。
T16n0665_p0442c08(00) 國人造惡業，王捨不禁制；
T16n0665_p0442c09(00) 斯非順正理，治擯當如法。
T16n0665_p0442c10(00) 若見惡不遮，非法便滋長；
T16n0665_p0442c11(00) 遂令王國內，姦詐日增多。
T16n0665_p0442c12(00) 王見國中人，造惡不遮止；
T16n0665_p0442c13(00) 三十三天眾，咸生忿怒心。
T16n0665_p0442c14(00) 因此損國政，諂偽行世間；
T16n0665_p0442c15(00) 被他怨敵侵，破壞其國土。
T16n0665_p0442c16(00) 居家及資具，積財皆散失；
T16n0665_p0442c17(00) 種種諂誑生，更互相侵奪。
T16n0665_p0442c18(00) 由正法得王，而不行其法；
T16n0665_p0442c19(00) 國人皆破散，如象踏蓮池。
T16n0665_p0442c20(00) 惡風起無恒，暴雨非時下；
T16n0665_p0442c21(00) 妖星多變怪，日月蝕無光。
T16n0665_p0442c22(00) 五穀眾花果，果實皆不成；
T16n0665_p0442c23(00) 國土遭飢饉，由王捨正法。
T16n0665_p0442c24(00) 若王捨正法，以惡法化人；
T16n0665_p0442c25(00) 諸天處本宮，見已生憂惱。
T16n0665_p0442c26(00) 彼諸天王眾，共作如是言：
T16n0665_p0442c27(00) 『此王作非法，惡黨相親附。
T16n0665_p0442c28(00) 王位不久安，諸天皆忿恨。』
T16n0665_p0442c29(00) 由彼懷忿故，其國當敗亡。
T16n0665_p0443a01(00) 以非法教人，流行於國內；
T16n0665_p0443a02(00) 鬥諍多姦偽，疾疫生眾苦。

T16n0665_p0443a03(00) 天主不護念，餘天咸捨棄；
T16n0665_p0443a04(00) 國土當滅亡，王身受苦厄。
T16n0665_p0443a05(00) 父母及妻子，兄弟并姊妹；
T16n0665_p0443a06(00) 俱遭愛別離，乃至身亡歿。
T16n0665_p0443a07(00) 變怪流星墮，二日俱時出；
T16n0665_p0443a08(00) 他方怨賊來，國人遭喪亂。
T16n0665_p0443a09(00) 國所重大臣，枉橫而身死；
T16n0665_p0443a10(00) 所愛象馬等，亦復皆散失。
T16n0665_p0443a11(00) 處處有兵戈，人多非法死；
T16n0665_p0443a12(00) 惡鬼來入國，疾疫遍流行。
T16n0665_p0443a13(00) 國中最大臣，及以諸輔相；
T16n0665_p0443a14(00) 其心懷諂佞，並悉行非法。
T16n0665_p0443a15(00) 見行非法者，而生於愛敬；
T16n0665_p0443a16(00) 於行善法人，苦楚而治罰。
T16n0665_p0443a17(00) 由愛敬惡人，治罰善人故；
T16n0665_p0443a18(00) 星宿及風雨，皆不以時行。
T16n0665_p0443a19(00) 有三種過生，正法當隱沒；
T16n0665_p0443a20(00) 眾生無光色，地肥皆下沈。
T16n0665_p0443a21(00) 由敬惡輕善，復有三種過；
T16n0665_p0443a22(00) 非時降霜雹，飢疫苦流行。
T16n0665_p0443a23(00) 穀稼諸果實，滋味皆損減；
T16n0665_p0443a24(00) 於其國土中，眾生多疾病。
T16n0665_p0443a25(00) 國中諸樹木，先生甘美果；
T16n0665_p0443a26(00) 由斯皆損減，苦澀無滋味。
T16n0665_p0443a27(00) 先有妙園林，可愛遊戲處；
T16n0665_p0443a28(00) 忽然皆枯悴，見者生憂惱。
T16n0665_p0443a29(00) 稻麥諸果實，美味漸消亡；
T16n0665_p0443b01(00) 食時心不喜，何能長諸大。
T16n0665_p0443b02(00) 眾生光色減，勢力盡衰微；
T16n0665_p0443b03(00) 食噉雖復多，不能令飽足。
T16n0665_p0443b04(00) 於其國界中，所有眾生類；
T16n0665_p0443b05(00) 少力無勇勢，所作不堪能。
T16n0665_p0443b06(00) 國人多疾患，眾苦逼其身；
T16n0665_p0443b07(00) 鬼魅遍流行，隨處生羅刹。
T16n0665_p0443b08(00) 若王作非法，親近於惡人；
T16n0665_p0443b09(00) 令三種世間，因斯受衰損。
T16n0665_p0443b10(00) 如是無邊過，出在於國中；
T16n0665_p0443b11(00) 皆由見惡人，棄捨不治擯。
T16n0665_p0443b12(00) 由諸天加護，得作於國王；
T16n0665_p0443b13(00) 而不以正法，守護於國界。
T16n0665_p0443b14(00) 若人修善行，當得生天上；
T16n0665_p0443b15(00) 若造惡業者，死必墮三塗。
T16n0665_p0443b16(00) 若王見國人，縱其造過失；
T16n0665_p0443b17(00) 三十三天眾，皆生熱惱心。
T16n0665_p0443b18(00) 不順諸天教，及以父母言；
T16n0665_p0443b19(00) 此是非法人，非王非孝子。
T16n0665_p0443b20(00) 若於自國中，見行非法者；
T16n0665_p0443b21(00) 如法當治罰，不應生捨棄。
T16n0665_p0443b22(00) 是故諸天眾，皆護持此王；
T16n0665_p0443b23(00) 以滅諸惡法，能修善根故。
T16n0665_p0443b24(00) 王於此世中，必招於現報；
T16n0665_p0443b25(00) 由於善惡業，行捨勸眾生。
T16n0665_p0443b26(00) 為示善惡報，故得作人王；
T16n0665_p0443b27(00) 諸天共護持，一切咸隨喜。
T16n0665_p0443b28(00) 由自利利他，治國以正法；

T16n0665_p0443b29(00) 見有諂佞者，應當如法治。
T16n0665_p0443c01(00) 假使失王位，及以壽命緣；
T16n0665_p0443c02(00) 終不行惡法，見惡而捨棄。
T16n0665_p0443c03(00) 害中極重者，無過失國位；
T16n0665_p0443c04(00) 皆因諂佞人，為此當治罰。
T16n0665_p0443c05(00) 若有諂誑人，當失於國位；
T16n0665_p0443c06(00) 由斯損王政，如象入花園。
T16n0665_p0443c07(00) 天主皆瞋恨，阿蘇羅亦然；
T16n0665_p0443c08(00) 以彼為人王，不以法治國。
T16n0665_p0443c09(00) 是故應如法，治罰於惡人；
T16n0665_p0443c10(00) 以善化眾生，不順於非法。
T16n0665_p0443c11(00) 寧捨於身命，不隨非法友；
T16n0665_p0443c12(00) 於親及非親，平等觀一切。
T16n0665_p0443c13(00) 若為正法王，國內無偏黨；
T16n0665_p0443c14(00) 法王有名稱，普聞三界中。
T16n0665_p0443c15(00) 三十三天眾，歡喜作是言：
T16n0665_p0443c16(00) 『瞻部洲法王，彼即是我子。
T16n0665_p0443c17(00) 以善化眾生，正法治於國；
T16n0665_p0443c18(00) 勸行於正法，當令我宮。』
T16n0665_p0443c19(00) 天及諸天子，及以蘇羅眾；
T16n0665_p0443c20(00) 因王正法化，常得心歡喜。
T16n0665_p0443c21(00) 天眾皆歡喜，共護於人王；
T16n0665_p0443c22(00) 眾星依位行，日月無乖度。
T16n0665_p0443c23(00) 和風常應節，甘雨順時行；
T16n0665_p0443c24(00) 苗實皆善成，人無飢饉者。
T16n0665_p0443c25(00) 一切諸天眾，充滿於自宮；
T16n0665_p0443c26(00) 是故汝人王，亡身弘正法。
T16n0665_p0443c27(00) 應尊重法寶，由斯眾安樂；
T16n0665_p0443c28(00) 常當親正法，功德自莊嚴。
T16n0665_p0443c29(00) 眷屬常歡喜，能遠離諸惡；
T16n0665_p0444a01(00) 以法化眾生，恒令得安隱。
T16n0665_p0444a02(00) 令彼一切人，修行於十善；
T16n0665_p0444a03(00) 率土常豐樂，國土得安寧。
T16n0665_p0444a04(00) 王以法化人，善調於惡行；
T16n0665_p0444a05(00) 常得好名稱，安樂諸眾生。」』」
T16n0665_p0444a06(00) 爾時，大地一切人王及諸大眾，
T16n0665_p0444a07(05) 聞佛說此古昔人王治國要法，得未曾有，皆大歡喜，
T16n0665_p0444a08(02) 信受奉行。
T16n0665_p0444a09(00) 金光明最勝王經卷第八

引自CBETA : http://www.cbeta.org/result/normal/T16/0665_008.htm